



NATIONAL TREASURY

Kaelo go Setšhaba...

Tekanyetsokabo 2009

Tekanyetsokabo ya- Bosetšhaba ke eng?

Ka kgwedi ya Tlhakole ngwaga mongwe le mongwe Letona la Matlotlo le rebola lenaneo la puso la go dirisa madi, matlole le kadimo dingwageng tse tharo tse di latelang. Seno se bidiwa Tekanyetsokabo ya setshaba. Tekanyetsokabo ya setshaba e tshalosa mokgwa o madi a puso e a boneng a tlleng go arogangwa ka teng mo mafapheng a bosetshaba, diporofinsi le dipusoselegae. **Dintlhakgolo tsa tekanyetsokabo mo letlhareng la 3...**

Go tlile go thatafala



Mmuso o tlile go tswelera ka go godisa ditirelo go thusana le batho ba ba humanegileng mme ditiro tsa setshaba di tla atisa ditšhono tsa go dira. Go feta dibilione di le 780 tsa diranta di tlile go dirisiwa mo diporojekeng tsa ditiro mo dingwageng tse tlhano tse di latelang. Tse di akaretsa diteishene tsa motlakase, ditsela le mmila wa terene, go tllabolola mafaratlhatlha a metsi le go aga matlo. Re tlile go dira le mekgatlho ya kgwebo le mekgatlho ya badiri go netefatsa gore ga go latlhege ditiro tse dintsi.

Dinaga tse dintsi ga di kgone go tsibogela maemo a jaaka rona. Afrika Borwa e kgona go tsaa dikgato tsa go sireletsa ikonomi ya rona le bao ba humanegileng ka gone mo dingwageng tse di fetileng re tshwere madi a rona ka manonthlotlo. Re bolokile madi ga ikonomi ya rona e ne e dira sentle. Ke ka goo re kgonang go oketsa madi a go lere ditirelo mo setshabeng.

Dintlha-kgolo ke tse:

- R12 bilione e tla abelwa tsa katlaatlololoago
- R45 bilione e tla abelwa diporofensi go tllabolola thuto, bophelo le ditsela le go tllabolola magae
- R10.9 bilione a beetswe matlo, metsi le ditirelo tsa masepala
- R5.4 bilione e okeleditswe go tllabolola tsa bosiamisi
- R6.4 bilione e tla abelwa go lebagana le teranseporoto ya botlhe, le mafaratlhatlha a mebila le seporo

Le ga mmuso o tlile go semelela go leka go lebagana le ditirelo tsa maAfrika Borwa, go tlile go nna boima. Badiredi ba mmuso ba tshwanetse go lemoga gore ditlamelo tsa puso ke tsa batho ba Afrika Borwa botlhe. Batho botlhe ba na le maikarebelo a go netefatsa gore madi ga a senngwe ke badiredi ba mmuso. Re tshwanetse go dira mmogo go tllabolola maemo a ikonomi ya rona.



Ikonomi ya lefatshe e mo seemong se se masisi go feta mo dingwageng tse di fetileng. Go ya ka pego ya International Labour Organisation batho ba le dimilione di le 18 ba lebagane le go latlhegelwa ke ditiro tsa bona mo ngwageng o. Palo e go bonala e ka tllathlogela kwa godimo. Lefatshe lotlhe le amilwe ke seemo se sa ikonomi e e koafetseng. Fa go lejwa mafatshe a mantsi go kaya United States, Brithani le France go tota go boifisa. Afrika Borwa yona ga e a amega thata mme e bile re ikaelela go netefatsa gore maemo a nna fela jalo. Maikaelelo a rona ke gore re dire botoka gore re kgone go tlamela ditlhokego tsa batho ba rona. Re ikaelela go dirisa nako e e tlang go lebagana le mathata a a re tobileng.

Jaaka lefatshe lotlhe, ikonomi ya rona e gola ka bonya. Le rona re lebagane le go latlhegelwa ke ditiro mme batho ba le bantsi ba tlile go fitlhela go le boima go tlamela magae a bona. Ga ikonomi e koafetse mmuso o kgobokanya lekgetho le le kwa tlase. Se se kaya gore mmuso o tshwanetse go adima madi go fitlhelela ditlhokego tsoatlhe tsa ona.

Ditiro tsa selegae di tlile go fa ba bantsi tšhono ya go dira



Puso e dira ka natla go thusa batho ba ba sa direng ka ditiro. Lenaneo la ditiro tse di atolositsweng le simolotse ka 2004/05. Mo dingwageng tse tlhano lenaneo le le tlhotse ditiro di le 70 000 go bao ba se nang boitseanape ba tiro. Ditiro tse di tlhotswe ka go oketsa

palo ya badiri ba ba dirang mo diporejekeng tsa mmuso mo go tliseng ditirelo tsa setšhaba. Le ga ditiro tse e le tsa nakwana batho ba bone boitseanape ba go dira. Go tloga ka 2009 mmuso o tla atolosa ditiro. Go beetswe thoko madi a a kana ka R4.1 bilione go tlhola ditiro tse dintsi

mo dingwageng tse tlhano tse di tlang. Ditiro tse di tlile go nna jaana:

- Go thusetsa bao ba lwalang kwa magaeng a bona
- Go aga , go tlhokomela le go sireletsa tsa tlhago
- Mananeo a masha a a tsamaisiwang ke dikopano tsa bao ba sa direng morokotso, ba tsa sedumedi le badiredi-setšhaba

Mmuso o ikaeletse go oketsa palo ya ditiro tsa seleruri di le 400 000 ka ngwaga go fitlha ka 2014 go thusana le maitlhomo a go lwa le bohuma le botlhokotiro.

Go jala madi mo lenaneong le le sireletsegileng la teranseporoto

Tsamaiso ya tlhalele e pateleditse badiri go nna kgakala le diteropo tseo ba dirang kwa go tsona. Go tlhofaletsatsa bao ba amegang mmuso o jala madi a mantsi mo teranseporotong ya botlhe.

Go tlile go agiwa diporo, go be go rekwa le diterene. Dibese tse dintšha di tlile go tsenngwa mo mebileng, mme teranseporoto ya dibese le diterene e tlile go abelwa madi. Ditekisi tsa kgale di tlile go ntshiwa mo mebileng. 25 bilione ya diranta e tlile go abelwa ba Rail Commuter Corporation go reka diterene le go oketsa mebila ya diterene kwa mafelong a masha. Mmuso e bile o oketsa tekanyetsokabo go tliša batlhankedi ba batla tlhokomelang gore dikotsi le go diega ga diterene go fokotsetse. Porojeke ya Gautrain e e bitsang R25 bilione is setse e ya kwa bofelong mme terene e tla bo e tsamaya go tloga kwa boema-fofaneng ba OR Tambo go ya kwa Sandton go sa le gale ka 2010. Mmuso o abela diteropo tse dikgolo R12 bilione mo dingwageng tse tharo tse di tlang go thusa go aga mafaratlhatlha a dibese tsa bonako. Johannesburg is setse e le kwa pele mme e bile e ikaeletse go dirisa R1.2 bilione go tsweletsa Rea Vaya pele. Cape Town yona e setse e ntshitse thendara ya R600 milione go simolola tiro e lebaganeng le lenaneo le la dibese tsa bonako.

Go netefatsa gore teranseporoto ya botlhe e bolokegesile, R350 dimilione e beetswe thoko go duela boraditekisi gore ba reke dikoloi tse dintšha. Go lebeletse gore ditekisi di le 17 000 di ntshiwe mo mebileng mo dingwageng di le tharo tse di latelang.

Madi a go tlamela teranseporoto ya kwa magaeng e teng mo tekanyetsokabong.

Mmuso o oketsa madi a katlatlelolago go thusa bao ba humanegileng

Mmuso o tlile go abela madi a katlatlelolago go maAfrika Borwa a le dimilione di le lesome le boraro. Lenaneo le tlile go thusa ba o ba humanegileng, bana ba bannye, bao ba sa itekanelang le batsofe.

Mmuso o tlile go bonelela bao ba sa tswang go latlhelwa ke ditiro tsa bona, e bile o letla bao ba se nang madi go tsena sekolo, ditirelo tsa maphelo le tsona di ka bonwa mahala go tsenyeletsa metsi le motlakase go bao ba

aperweng ke lehuma. Batho ba ba gateletsweng ba ka bona thuso ya nakwana dikgwedi di le thataro. Go fitlhela dingwaga tse di sometlhano bana bao batsadi ba bona ba amogelang ka fa tlase ga R2 300 ka kgwedi ba ka bona madi a katlatlelolago. Banna ba ba kwa godimo ga dingwaga tse di 63 le basadi ba dingwaga tsa bona di leng kwa godimo ga 60 ba ka bona madi a phenshene ga ba amogela madi a a kwa tlase ga a a rileng. Go tloga ka Moranang 2009 dingwaga tsa

banna tsa go amogela phenshene ya batsofe e tla nna 61 mme ka Moranang 2010 e tla theogela go 60.

Madi a katlatlelolago a tla okediwa jaana:

- Ya batsofe, bao ba sa itekanelang le bao ba tlhokomelang bana e tla nna R1 010 ka kgwedi
- Ya bana e tla okediwa go ya go R240 ka kgwedi
- Ya bao ba tlhokomelang dikhutsana e tla okediwa ka R30 go ya go R680 ka kgwedi

Ka 2009/10 madi a a tla ya go dibilione di le R80 e leng diperesente tse 12 tsa tiriso ya madi a mmuso. Se se dira Afrika Borwa setšhaba se se kwa godimo mo go ba ba tsenyang madi go thusa bao ba sa kgoneng.



Dintlha-kgolo tsa tekanyetsokabo

Tiriso ya madi mo ditirelong tsa setšhaba Ikonomi

- Go lebeletse gore ikonomi e tla gola ka diperesente di le 1.2 ka 2009 pele ga fa e boela ka seemong ka diperesente tse 5.8.
- Consumer price inflation e tlile go wa ka diperesente di le 6 ka 2009
- Go feta dibilione di le 780 di betswa go aga mafaratlhatlha mo dingwageng tse tlhano tse di latelang
- Tekanyetsokabo e tlile go tlhabela ka diperesente di le 3.8 ka 2009/10 pele ga fa e boela kwa maemong ka diperesente di le 1.9 ka 2011/12
- Tiriso ya madi a mmuso e tlile go gola (go sa akaretse morokotso) ka diperesente di le 5.1

Koketso mo tirisong mo dingwageng tse tharo tse di latelang

- Diporofensi di tlile go bona R24.8 bilione go oketsa ditirelo mo go tsa maphelo le thuto
- R4.1 bilione e abetswe go tlhoma lenaneo la bobedi la ditiro tsa setšhaba
- R4 bilione e tla thusa go lenaneo la go fepa bana ba sekolo
- R2.1 bilione e tla go dirisiwa go aga mafaratlhatlha a diporofensi
- R1.9 bilione e tla abelwa go aga mafaratlhatlha a bomasepala le go lere metsi
- R600 milione e tla fiwa bomasepala go atisa ditirelo tsa mahala
- R3.7 bilione e tla thusa go aga matlo.
- R932 milione e betswa go oka le go thibela HIV le AIDS
- R5.4 bilione e tla dirisiwa go lebana le bosiamisi
- R12 bilione e tla abelwa madi a katlatlelolago mme R1.2 bilione e abetswe tsamaiso ya madi a
- R6.4 bilione e tla dirisetswa go aga mafaratlhatlha a teranseporoto ya botlhe, mebila le diporo.
- R700 milione e tla dirisetswa tlhabololo ya kwa magaeng.

Tsa lekgetho

- R13.6 bilione e tla busetswa go batho.
- Lekgetho mo peterolong le disele le okeditswe ka diperesente di le 40.5 le 41.5 ka litara.
- Paakana ya disekerete tse 20 e tlile go bitsa disente di le 88 go feta.
- Lebotlolo la 750 ml la mofine le tlile go bitsa disente tse di 10.5 go feta.
- Bolekana ba biri ba 340 ml bo tla bitsa disente tse di 7 go feta mme lebotlolo le tla okediwa ka R3.21.
- Lekgetho la dikoloi tse dintšha go lefela carbon le mabone
- Dikgetsana tsa polasetiki di tlile go tlhatlhošwa ka sente e lengwe.